

7. gr.

Hættulegum hundum (samkvæmt úrskurði dýralæknis) og hundum sem eigi er leyfi fyrir skal þegar lóga.

8. gr.

Ef hundaeigandi brýtur ítrekað gegn ákvæðum samþykktar þessarar eða öðrum reglum sem um hundahald gilda, getur hreppsnefnd afturkallað leyfið.

9. gr.

Með brot á samþykkt þessari skal fara samkvæmt ákvæðum laga nr. 81/1988 um hollustu-hætti og heilbrigðiseftirlit.

Brot gegn samþykkt þessari varðar sektum eða varðhaldi.

10. gr.

Samþykkt þessi er samin og samþykkt af hreppsnefnd Skeggjastaðahrepps og staðfestist hér með samkvæmt lögum nr. 81/1988 um hollustuhætti og heilbrigðiseftirlit, til að öðlast gildi 1. mars 1995.

Umhverfisstjórnuneytið, 29. desember 1994.

F. h. r.

Ingimar Sigurðsson.

Sigurbjörg Sæmundsdóttir.

REGLUR

um útreikning og færslu vaxta við Seðlabanka Íslands o.fl.

1. Viðskiptareikningar

1.1 Innstæður

Af innstæðu á viðskiptareikningi reiknast dagvextir sem færast í árslok. Vaxtadagur inn- og útborgana er afgreiðsludagurinn, nema sérstaklega sé um annað samið.

1.2 Yfirdráttur

Yfirdráttur á viðskiptareikningi umfram kvóta sbr. 7. tölulið er óheimill. Hafi engu að síður orðið óheimill yfirdráttur, t.d. vegna skjalaskipta, skal hlutaðeigandi innlánsstofnun án tafar gera ráðstafanir til að eyða honum. Það getur hún gert með því að selja Seðlabankanum verðbréf gegn endurkaupasamningi, sbr. 5. tölulið, og fá söluna vaxtafærða („valideraða“) með gildistöku þann dag sem yfirdráttur telst hafa myndast og skal sá dagur teljast fyrsti vaxtadagur verðbréfavíðskiptanna. Við slíka „valideringu“ greiðist 0,1% gjald. Hlutaðeigandi innlánsstofnun skal framvísa umræddum verðbréfum fyrir kl. 10:30 á fyrsta banka-afgreiðsludegi eftir að yfirdráttur myndaðist.

2. Innstæðubréf

Af innstæðubréfum reiknast fastir, eftirágreiddir vextir. Framboð innstæðubréfa er háð nánari ákvörðun bankastjórnar Seðlabankans hverju sinni.

3. Verðtryggð innlán

Um verðbætur og vexti innstæðna á verðtryggðum reikningum fer sem hér segir:

- Verðbætur eru reiknaðar á tvennan hátt. Lægsta innstæða í almanaksmánuði tekur breytingum skv. lánskjaravísitölu, en inn- og útborganir eru verðbættar innan mánaðarins með sérstökum verðbótum í formi vaxta.
- Fyrsta dag hvers mánaðar skal höfuðstóll, sem staðið hefur óhreyfður sl. mánuð, hafa tekið sömu hlutfallslegu breytingu og verður þá á lánskjaravísitölu, hvort sem breytingin er til hækkunar eða lækkunar.
- Innborgað fé ber sérstakar verðbætur frá innborgunardegi til næstu mánaðamóta, en þá leggjast þær við höfuðstólinn eftir vísitölufærslu. Útborgað fé ber á sama hátt sérstakar verðbætur frá síðustu mánaðamótum að útborgunardegi, sem leggjast við höfuðstól um næstu mánaðamót. Sérstakar verðbætur innan úttektarmánaðar greiðast þó út með höfuðstól og áunnum vöxtum sé reikningur eyðilagður.
- Vextir af verðtryggðum reikningum reiknast í lok mánaðar af lægstu innstæðu mánaðarins og leggjast við höfuðstól um áramót.

4. Verðbréfasala gegn endurkaupasamningi

Að beiðni innlánsstofnana selur Seðlabankinn ríkisvísla úr eigu sinni skv. nánari lýsingu í 5. lið hér á eftir, sem gildir með breyttum gerendum þar sem innlánsstofnanir eru kaupendur í stað Seðlabankans.

5. Verðbréfakaup gegn endurkaupasamningi

Að beiðni innlánsstofnunar kaupir Seðlabankinn verðbréf gegn endurkaupasamningi skv. nánari lýsingu hér á eftir. Bréfin skulu berast Seðlabankanum fyrir kl. 14:00 þann dag sem þau óskast keypt (bókuð). Endurkaupadaginn skal bera upp á afgreiðsludag banka. Bréfin skulu að jafnaði valin þannig að ekki sé um að ræða bréf með gjalddaga eða útdráttardegi fyrir lok samningstímans. Séu bréf dregin út á samningstímanum, skal fyrirgreiðslan gerð upp þá þegar og skal þá miðað við sömu ávöxtun og samið var um.

Varðandi þessi verðbréfakaup gildir tiltekin ávöxtun skv. ákvörðun bankastjórnar Seðlabankans hverju sinni. Út frá ávöxtun skal reiknuð forvaxtaprósentu með tveimur aukastöfum til notkunar við vaxtaútreikning. Þegar F er forvaxtaprósentu, A ávöxtun d dagafjöldi frá og með kaupdegi að gjalddaga, hattur(^) táknar veldi, stjarna (*) margföldun og skástrik (/) deilingu, gildir:

$$F = [1 - 1/(1+A/100)^{(d/360)}] * 36000/d$$

5.1 Ríkisvíslar

Seðlabankinn kaupir ríkisvísil af innlánsstofnun enda skuldbindi hún sig til að endurkaupa vísilinn eftir því sem næst 10 daga. Kaupverð Seðlabankans skal vera nafnverð vísilsins að frádregnum framangreindum forvöxtum til gjalddaga hans. Endurkaupaverð skal reiknað á sama hátt.

5.2 Önnur verðbréf

Seðlabankinn kaupir, skv. ákvörðun bankastjórnar hverju sinni, önnur verðbréf útgefin af ríkissjóði eða með ábyrgð ríkissjóðs, sem skráð eru á Verðbréfaþingi Íslands, enda skuldbindi hlutaðeigandi innlánsstofnun sig til að endurkaupa þau eftir því sem næst 30 daga. Kaupverð

Seðlabanka skal vera markaðsverð að frádregnum framangreindum forvöxtum, sem reiknast til loka samningstímans. Með markaðsverði er átt við meðalverð í viðskiptum með hlutaðeigandi verðbréf á Verðbréfaþingi daginn áður en samið er um kaupun, en sé ekkert viðskiptaverð fyrir hendi skal miða við hæsta kautilboð þann dag. Endurkaupaverð skal vera framangreint markaðsverð.

6. Erlendur lánakvóti

Af lánum innan erlends lánakvóta eru vextir reiknaðir mánaðarlega frá 21. hvers mánaðar til 20. næsta mánaðar og færðir fyrir mánaðarlok.

7. Reikningskvóti

Seðlabankinn úthlutar banka reikningskvóta. Úthlutuð fjárhæð gildir fyrir hverja 2 samliggjandi almanaksmánuði. Kvótinn verður tilgreindur sem margfeldi af fjárhæð notaðs kvóta og fjölda daga, sem hann er notaður. Vextir af notuðum reikningskvóta eru tilgreindir sem forvextir í einn dag en reiknaðir mánaðarlega frá 21. hvers mánaðar til 20. næsta mánaðar og færðir í mánaðarlok. Umbreyting forvaxtaþrósentu (F) yfir í vaxtaþrósentu (V) með tveimur aukastöfum, sem notuð er til þess að reikna vexti mánaðarlega, er eftirfarandi:

$$V = [1 / (1 - F / 36000) ^ {30} - 1] * 1200$$

8. Vixillán

Vextir víxillána, sé um þau að ræða, eru forvextir. Séu forvextir teknir fyrir lengri tíma en 3 mánuði í senn skulu þeir ákveðnir þannig að raunveruleg árleg ávöxtun verði ekki meiri en þegar um 3 mánuði er að ræða.

9. Gildistaka o.fl.

Reglur þessar taka gildi 1. janúar 1995. Jafnframt falla þá úr gildi reglur um útreikning og færslu vaxta o.fl. við Seðlabanka Íslands frá 31. maí 1994.

Reykjavík, 30. desember 1994.

Seðlabanki Íslands.

Birgir Ísleifur Gunnarsson.

Eiríkur Guðnason.

REGLUGERÐ

um starfsemi neytendamáladeildar Vátryggingaefirlitsins.

Starfssvið neytendamáladeildar.

1. gr.

Neytendamáladeild Vátryggingaefirlitsins skal:

- a) hafa með höndum upplýsinga- og kvörtunarþjónustu fyrir vátryggingataka og vátryggða hjá vátryggingafélögum. Upplýsingaþjónustan felst í því að gefa neytendum almennar upplýsingar um vátryggingamálefni, t.d. um löggjöf, skilmála vátryggingafélaga, túlkun á þeim og réttarstöðu gagnvart vátryggingafélagi. Kvörtunarþjónustan felst í því að gefa neytendum upplýsingar um réttarstöðu þeirra í einstökum ágreiningsefnum við